

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 37. stav 2. Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15) na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 47. sjednici, održanoj dana 18.03.2016. godine, d o n o s i

O D L U K U
o prijenosu stalnih sredstava za rad i opreme Javnoj ustanovi
Institut za zdravlje i sigurnost hrane Zenica

Član 1.
(Predmet Odluke)

Odobrava se prijenos stalnih sredstava za rad i opreme Veterinarskom zavodu koji je do dana 18.12.2015. godine djelovao kao upravna organizacija u okviru Ministarstva za poljoprivredu, šumarstvo i vodoprivredu Zeničko-dobojskog kantona bez naknade, u trajno vlasništvo Javnoj ustanovi Institut za zdravlje i sigurnost hrane Zenica (u daljnjem tekstu: Institut), u skladu sa Izvještajem Komisije sa popis stalnih sredstava u obliku stvari prava i razgraničenja i zaliha materijala robe i sitnog inventara sa stanjem na dan 18.12.2015. godine kao dan prestanka Veterinarskog zavoda kao upravne organizacije u okviru Ministarstva, Popisnom listom stalnih sredstava sa stanjem na dan 31.12.2015. godine i pratećim obrascima 1. i 4. u kojima je sadržana finansijska vrijednost stalnih sredstava i opreme koja se prenosi, a koji su sastavni dijelovi ove Odluke.

Član 2.
(Nositelji aktivnosti za sprovođenje Odluke)

(1) Zadužuje se Ministarstvo za poljoprivredu, šumarstvo i vodoprivredu da na osnovu ove Odluke sa Javnom ustanovom Institut za zdravlje i sigurnost hrane Zenica sačini ugovor o prijenosu stalnih sredstava i opreme.

(2) Zadužuje se Ministarstvo finansija da isknjiži sva sredstva iz člana 1. ove Odluke, a zadužuje se Javna ustanova Institut za zdravlje i sigurnost hrane Zenica da knjigovodstveno evidentira dodjeljena stalna sredstva i opremu.

Član 3.
(Zaduženje Ministarstva i Instituta)

Zadužuje se Ministarstvo za poljoprivredu, šumarstvo i vodoprivredu i Javna ustanova Institut za zdravlje i sigurnost hrane Zenica da po stupanju na snagu ove Odluke formiraju Komisiju za primopredaju popisanih sredstava za rad i opremu, te o istom sačine Zapisnik.

Član 4.
(Stupanje na snagu Odluke)

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-6307/16.

Datum, 18.03.2016. godine
Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Javna ustanova Institut za zdravlje i sigurnost hrane Zenica (putem Ministarstva),

1x „Službene novine Zeničko-dobojskog kantona“,

1x a/a.